

محامي يحكي شهادته عن تلفيق التهم لمعارضى الانقلاب



الخميس 2 يناير 2014 12:01 م

نافذة مصر :

شهادة المحامي أحمد الكردي عن اعتقال أحد جيرانه من معارضي الانقلاب، يرويها بنفسه :

امبارح امن الدولة جت العمارة عندنا واخذت الاستاذ محمود جارى امام مرأى ومسمع منا جميعا ... الراجل بكل ادب راح معاهم وقالى خليك معايا متسبينش واحضر معايا التحقيقات .. وانا دايمنا بينى وبينه خلاف بسبب الاتجاه السياسى بس بكل ادب واحترام .. الطابط اخدوا ومكنش معاه غير المحفظه والموبايل وده كان قدامى انا ووادى وجيرانا ... وخدوه وطلعوا على امن الدولة ... انا بصراحه مكنش هحضر التحقيق بس روجت عشان خاطر العيش والملح وعشان الجيره وعشان مشفتش منه حاجه وحشه على مدار 28 سنه .. وعشان اعرف ايه القضيه اللى هتتعملوا وهل فعلا الداخليه بتلفق ولا لا عشان ابقى قارى للاحداث ...

- 1 / الانتماء لجماعه ارهايبه محظوره تسعى لقلب نظام الحكم
- 2 / حيازة واحراز اسلحه ناربه وخرطوش واسلحه بيبضاء
- 3 / الخروج فى مظاهرات تسعى لزعة الامن العام واستخدام اسلحه ناربه لمقاومة السلطات والتحريض على قلب نظام الحكم
- 4 / التظاهر بدون تصريح من الجهات المختصة
- 5 / حمل اشارات ومنشورات ومطبوعات تدعو لتهديد الامن العام وقلب نظام الحكم ومخالفة الدستور وزعة الاستقرار
- 6 / تعطيل حركة المرور وقطع الطرق واشعال النيران والتسبب فى تعطيل حركة النقل والمواصلات
- 7 / تهديد الامن القومى للبلاد والدعوى لتعطيل الدستور واستخدام العنف ضد نظام الحكم الحالى ...

ولما طلبت من رئيس النيابة سماع الشهود وسؤال طابط الواقعة القائم بالضبط ضحك وقالى .. (هو حضرتك اول مره تحضر تحقيق مع حد من الاخوان يا ستاذ ؟؟) قتلته وهو الاخوان يفندم ليهم قانون لوحدهم بيتطبق عليهم ولا ايه !!! مش برضه ياباشا حضرتك ملزم بتطبيق القانون وتلبية طلباتى كدفاع عن المتهم ؟؟ قالى يا متر قضايا الاخوان القرارات اللى بتصدر ضدهم قرارات سياسيه ..

قتلته مع احترامى لحضرتك ده قانون عزه وبعدها ثبت طلباتى وخرجت من غرفة التحقيق وساعتها فهمت وتيقنت ان الناس اللى طول اليوم قارفنا بتطبيق القانون هما اول ناس هتكوا عرض القانون !!!!!

وبحمد ربنا انى حضرت الواقعة من اولها لآخرها عشان لما بيجى حد يقولى مفيش ظلم والاخوان يستاهلوا وكلهم ارايبين اعرف ارد عليه واقوله حسبى الله ونعم الوكيل ولكل ظالم نهاية ...